



**Uunga siunnersuut: Nappaatit tunillaasortut akiorniarlugit iliuitsit pillugit Inatsisartut Inatsisaat.**

(Meeqqanut, Inuusuttunut, Ilaqutariinnut Peqqissutsimullu Naalakkersuisoq)

(Siullermeerneqarnera)

Marts 2020 Corona-p nunarsuaq tamaat sakkortuumik naakkitsaattumillu eqqorpaa. Matussinerit killilersuinerillu ulluinnarsutaannangorput, tamattalu immitsinnut paarsarivugut sapinngisamillu nunarsuarmi tuniluuttoq akiorniarsaralutigu.

Qujanartumillu tamanna qaangiussimalerpoq. Qarnit assiaqutai peerpagut. Angalaqqissinnaanngorpugut. Meeqqat atuariartoqqissinnaalerput. Suliartoqqissinnaalerpugut. Nalinginnaalluinnartut, ajoraluartumik tuniluuttoqarnerani nalinginnaanngitsut.

Demokraatini eqqaamavarput, maani nunatsinni corona-mik akiuiniarnermi pitsaasumik suleqatigiittoqarnera. Isigalugu nuannersoq. Taamatutaaq nuannerpoq, manna corona-p qaangiutereernerani sapiissuseqarlutalu nukissaqaratta eqqarsaatigissallugu, tulliani nunarsuaq tamaat tuniluuttoqaqqissappat qanoq allatut iliorsinnaanerluta. Una tassunga siunnersuutaavoq.

Tassami politikikkuinnaq suleqatigiilluraluarluta, suliniutinut inatsisiliortutut nakkutilliinissat aalajangikkanut ilanngunneqarsimanngimmata. Tamanna aaaaqqinneqassaaq siunnersuummi uani imaasillugu, inatsimmi kapitalimik ivertitsisoqarluni inatsisiliortutut nakkutilliinissat qulakkeerlugit, Naalakkersuisut pisariaqartippassuk nappaatit tunillaasortut, nunarsuaq tamakkerlugu tuniluuttoqaarnerani imaluunniit peqqissutsimut ajoqusiinerit allat aallaaavigalugit iliuuseqarnissamut. Suliniutit taakku tamat oqartussaaqataanerat inatsisitigullu illersorneqarnissaaq qulakkiissavaat, tamannalu Demokraatinit taparserparput.

Siunnersuut Ilaqutariinnermut- aamma Peqqissutsimut ataatsimiititaliami suliarineqarnissaanut ingerlateqqittussatut innersuupparput.